


Rasprava o Zakonu o otkupu stanova odgođena za 8. maj

Ustavni sud FBiH jučer je odgodio javnu raspravu o ocjeni ustavnosti člana 10. Zakona o izmjenama i dopunama Zakona o prodaji stanova na kojima postoji stanarsko pravo u FBiH za 8. maj zbog nedolaska predstavnika Predstavničkog doma Parlamenta FBiH.

Potpisan zahtjev

Ocjenu ustavnosti ovog člana Zakona tražila su 22 delegata iz bivšeg saziva Doma naroda FBiH, te Niko Lozančić, bivši predsjednik FBiH, smatraju kompletan član 10. diskriminirajućim.

- Oспорavamo taj član jer ne daje jednaka prava na otkup stana svim nosiocima stanarskog prava. Član 10. izmjena ovog zakona daje pravo na kupovinu stana nosiocima stanarskog pra-



Biogradlić: Ovo je farsa

va nad nacionaliziranim stanovima ili konfiskovanim stanovima, s tim da se bivšim vlasnicima dodjeljuje drugi stan s pravom uknjižbe prava vlasništva u zemljišnim knjigama - kaže Ante Boras, zastupnik podnosi-

laca zahtjeva.

Napominje da izmjene i dopune također propisuju da nosioc stanarskog prava na stanovima čiji su vlasnici vakufi, legati i zadužbine ne mogu otkupiti te stanove bez prethodne saglasnosti vlasnika.

Oспорavanje otkupa

Haris Biogradlić, član Koordinacionog odbora Udruženja građana za zaštitu nosilaca stanarskog prava na nacionaliziranim i privatnim stanovima, kaže da je ocjena ustavnosti člana 10. obična farsa.

- Ova rasprava je bez ikakvog smisla. Zakon je usvojen, a ovim zahtjevom želi se osporiti otkup nacionaliziranih, konfiskovanih i vakufskih stanova - navodi Biogradlić. **A. DEDAŽIĆ**